

左恪靖侯奏稿三編

左恪靖侯奏稿三編總目

卷一

奏已故知府政績卓著懇

恩宣付史館摺

奏請改獎片

增足各岸引額收繳票費銀兩數目據實陳明摺

核減典商利息酌定贖限擬發官本摺

請將續辦清丈沙洲各貢酌給獎勵摺

卷二

銷假並出省閱視工程摺

奏已故督撫請 准合祠致祭摺

鄂湘另招新商發給引票緣由摺

運河糧米兌竣開行日期摺

出省勘收各水利情形摺

皖岸減引增費緣由片

新引請免其加價扣引片

卷三

請建故漕臣專祠摺

勘辦膏火銀兩片

接開淮北庚辰新綱日期片

覆陳革員監款覈清緣由片

請將已故通政使專祠列入婺源縣

祀典片

修理砲台片

兩淮鹽務著有微效摺

卷四

范堤工竣核實開單摺

奏請 旌表片

奏創建書院片

淮北課釐擬請全充復淮工用緣由片

試辦分銷淮鹽並課釐津貼片

據實復陳淮商礪難籌捐票本摺

恭報赴清江勘辦引淮入海起程日期摺

查明土客墾種情形摺

查明上游民堰各工分別興修以工代賑摺

卷五

奏會勘引淮入海河道分別辦理摺

新引票費未能加增緣由片

奏請將新增課釐全充復准經費餘仍照章分解片
朱家山等處河工出力各員請獎摺

卷六

奏請 准予冊政局各工工資支實銷摺

奏調道員黎福昌辦理糧台片

奏帶道員劉祺祥等赴閩差遣片

奏調四川補用知縣高維寅等隨營差遣片

奏調 記名提督胡珍品等赴營差遣片

遵 旨查明據實覆陳摺

查明嶺陳片

設局採米平價接濟片

奏請改獎片

奏請知州飭仍回廣東候補片

奏爲病請開去差使回籍調理摺

恪靖奏稿三編總目終

恪靖奏稿三編卷一目錄

奏已故知府政績卓著懇

恩宣付史館捐

奏請改獎片

增足各岸引額收繳票費銀兩數目據實陳明捐

核減典商利息酌定贖限擬候官本捐

請將續辦清丈沙洲各員酌給獎勵捐

奏已故知府政績卓著懇 恩宣付史館摺

奏爲已故知府政績卓著遺愛在民籲懇

天恩宣付史館以彰循吏而順輿情仰祈

聖鑒事竊查已故揚州府知府何金壽由詞臣出守在
任將及兩年於光緒七年七月初六日因病出缺茲據
該處紳士舉人揀選知縣陳景富等以該故員積勞身
隕遺愛在民臚陳一生居官行事及任內政績呈由署
兩淮鹽運使徐文達署揚州府知府程儀洛先後稟詳
請

奏前來臣察該故守何金壽自爲京員時卽關心時事累上封奏其操履廉潔素懷耿直久在

聖明洞鑒之中及其守揚州也於吏治加意講求憂民之誠形諸寤寐舉凡恤農艱興水利修城垣編保甲嚴緝捕均徭賦諸善政次第舉行輿論翕服其得疾因求雨步禱感受暑濕所致身歿之後妻子不恤飢寒而地方蒙其利賴詎思至今不忘實一時所僅見伏讀同治二年十一月二十四日

上諭祁雋藻奏弭盜安民必資循吏請分別表彰錄用

一摺嗣後各省大吏務宜加意訪查其有政績官聲遺澤在人者着奏明宣付史館編入循吏列傳等因欽此欽遵在案該故守居官行政卓卓有古循吏風莅事未久措施爛然殫志而終聞者感嘆既據該紳士等以遺愛在民瀝誠籲請自應據實上陳合無仰懇

天恩俯准將何金壽生平政績宣付

國史館以彰循吏而順輿情除將事實冊結咨移部科
及

國史館查照辦理外謹會同清運總督臣慶裕江蘇巡

撫臣衛榮光恭摺具陳伏乞

皇太后

皇上聖鑒訓示謹

奏光緒八年七月十六日

奏請改獎片

再江蘇試用知府曾爾昌前由候選通判於蕩平西寧府屬回逆立解府城重圍及克復大通縣城在事出力經臣在甘肅行營稟案保

奏於同治十三年七月二十八日內閣奉

上諭曾爾昌着以知州分發省分補用并賞戴藍翎欽此惟查該員先於同治十三年四月初九日由通判加捐同知復於克復巴燕戎格暨肅清河州等處出力案內

奏保以知府選用該員旋即請假離甘經督臣黎培
敬委派營務處差遣於擒獲匪首朱振綱出力案內

奏保以知府留於江蘇歸試用班補用復經奉

旨允准在案計該員加捐同知已在同治十三年六月
保

奏知州藍翎之先時因該員未及隨時呈報以致西寧
解圍案內仍以通判底銜保獎現在該員雖於另案續
保以知府留於江蘇補用而西寧解圍案內著有微勞
自未便因保獎歧誤致令向隅據該員檢呈獎札稟請

核辦前來臣覆核無異相應請

旨敕部將江蘇補用知府曾爾昌前保知州藍翎原案
註銷改請

賞加三品銜以示鼓勵除飭取履歷咨部查照外謹附
片陳明伏乞

聖鑒訓示謹

奏
光緒八年七月十六日

軍機大臣奉

旨吏部議奏欽此

增足各岸引額收繳票費銀兩數目據實陳明片

再臣前

奏楚皖各岸增復引額收繳票費另款儲備提撥接准
部復淮南新加各票照現在奏銷期限能否按輪銷竣
不致奪商商之利以便新商應令該督通盤籌畫再行
奏明辦理此次究竟每票收費若干各商領票若干共
收費銀若干原奏並未聲叙無憑稽核等因伏查新加
引票均係就向來足復原額及向有專岸之處准添新
票仍令新舊一律挨輪行銷並非額外增引自無新舊

之別察看現在情形實無搶跌賤售之弊商情適然厘肆如故但期引地速復銷路暢通則新舊商人同受其益而風謠亦自息矣尹所收票費本年春間據商人賀全福三十四商請增復楚岸十五萬引商人伊厚桀等八商請增復皖岸四萬二千八百五十引商人厚德昌等三十六商請增復淮北十六萬三千十八引商人怡同興等二商請增平江專岸二千引臣體察商情稽考成案實係舊額復未復之引歷任應辦未辦之事而歷前任暨臣官交章奏請禁川復淮規復舊額部臣議

奏謂禁川復淮事屬復舊而非變法豈容以一時之利
廢歷久之規又謂新商認捐每票數千兩舊商包餉每
票不過千兩數之多寡既殊新商每票數千之捐尅期
可集舊商每引二兩之餉本歲以需時之遲速亦判但
就目前欵項計之舍新謀舊不免指有失筭等語臣愚
以爲奏部議昭昭在人耳目案卷具在此次辦法本
率由舊章以裕課便民爲主凡出示行文及批發呈詞
均由臣一手料理曾不逾時一一猶堪復案而批發新
商認捐各票又正值出省閱伍之時丹次遞稟準頭看

批較之衙署重門洞開尤覺毫無障隔所批賀全福等
五百引爲一票每票暫定票費銀一萬兩旋據以利微
求減遂批飭暫定爲五千先繳二千辦運一次察看獲
利在二分以上則票費仍應加增倘獲利不及二分則
票費任准酌減初次核定後始准循環轉運其餘三千
兩限年內繳清以示限制公事公言官私合計與尋常
官場套數不同商情之異常踴躍即由於此而舊商見
新章漸定已有妒心又因昔日每票一張可索價銀一
萬數千兩者今不過數千兩即可領獲一票舊票且無

人過問又值臣整頓鹽務禁止夾帶重斤虛報淹消諸
弊遂不遺餘力設法傾軋以致謠誣紛起湖南尤盛臣
雖有所聞亦未便設法訛禁恐徒增擾累致傷政體皖
岸定每引繳票費銀十六兩該商屢稟請減未許亦飭
先繳五成餘均照賀全福章程辦理至淮北引鹽地近
獲利較微每引飭繳票費銀二兩即循環轉運數月以
來據賀全福等繳庫平銀六十萬兩伊厚堃等繳庫平
銀三十五萬七千一百六十兩平江專岸繳庫平銀八
千兩均經臣札發江甯藩司儲庫聽候提撥惟該商等

係陸續呈繳期票賀全福現尚有期票貳萬兩未經兌銀伊厚塋亦有數萬兩係七月底限尚未經兌銀臣前因票費既未劃定而銀兩亦未到期繳清故無從明晰聲叙具

奏惟德厚昌應繳庫平銀三十二萬六千三十六兩業經繳清已札發兩淮鹽運司遵照部章專咨報部存案俟將來提撥支用仍逐一詳晰報部查核外其福慶祥等請楚岸衡永寶之引見釐務尚無定章心存疑慮尚未繳銀應暫置無論又商人盛世豐等八商請認湖南

辰州專岸一萬二千引商人積善祥等請認湖南永綏
清緝專岸一千七百十二引或意存壟斷或延不繳捐
均飭一併撤銷所有增足各岸引額收繳票費銀數目
謹據實陳明伏乞

聖鑒飭部查照謹

奏光緒八年七月二十四日

軍機大臣奉

旨戶部議奏欽此

奏爲核減典商利息酌定贖限擬發官本摺

奏爲核減典商利息酌定贖限俾貧民便於周轉並擬給官本以恤商情恭摺具陳仰祈

聖鑒事竊維典鋪之設原爲取便窮民江南所屬克復雖閱十有九年而元氣尚未復常尤宜加意撫綏俾蘇民困臣莅任後查得江甯江蘇安徽各典取息既輕重攸殊期限亦參差不一雖因地方情形不同各經稟定有案而章程未能畫一貧民無所適從以言實惠均霑即尚未逮也臣因酌中定議江甯江蘇安徽所屬各典

無論抵當衣飾器具凡資本一兩一律取息二分連閏二十四個月仍留餘限三個月凡二十七個月爲滿凡遇隆冬及災歉年分毋庸再議減息每年除典稅照章完納外城垣每月只准捐錢二十千文該典每月只捐錢十二千文此外公事一概免捐以有由地方官發此生息公款無論何項放息無過一分一切陋規概行裁免當即一面通飭遵照一面出示曉諭在案嗣徐州典商以地方瘠苦其民間質當每號不過數百文細者絮布粗者農具房屋雖廣不敷堆積夥友非多不敷應用

且以春當秋贖一年祇得數月之息歷陳苦况呈由江
寧藩司詳請仍照舊章辦理且安徽之太和阜陽壽州
泗州各典商以前情徑來臣處具稟臣體照所陳典商
爲難情形本非捏鋪惟立法無取紛歧誠恐日久有所
藉口馴改紛更復思保富卽所以恤貧爲小民計則典
商亦宜設籌及之允其酌發官本不取利息飭由地方
官查明各典近年當本若干核數發給遇有開歇交替
之際由典呈繳以重要款現已據安東一縣稟請發給
怕通公典本款經臣批准酌發銀二萬兩於鹽票報効

款內動發不取利息其應如何分年坂還或竟以停歇
之際歸還原本均不取息飭司議詳候酌續有請者當
一律照准期商民兩得其平其有本係二分取息隆冬
及歉歲仍願讓利者是各典商好行其德官司只宜代
爲請獎不必加以誘勸更不准從而要挾以阻其樂善
之心自此次定章以後如有典商陽奉陰違私自加息
減期及官吏仍取陋規情事一經查出當即分別辦理
以示懲警察看現在情形尚屬相安理合恭摺陳明伏
乞

皇太后

皇上聖鑒訓示謹

奏光緒八年十月初一日

軍機大臣奉

旨戶部知道欽此

請將續辦清丈沙洲各員酌給獎勵摺

奏爲蘇省續辦清丈沙洲現已完竣並擬將在事各員
照案卹懇

恩施酌給獎勵恭摺奏祈

聖鑒事竊照江蘇等屬淤生沙洲經前督撫臣曾國藩
丁曰昌奏奉部議改十年一丈光緒六年屆當續丈之
期經前護撫臣譚鈞培會同前署督臣吳元炳附片奏
照派委候補道朱之榛會同蘇州藩司泰照上屆成案
議定章程先將蘇屬之江陰等七縣坍漲沙洲分委幹

員會同印官次第逐加勘丈分別升豁催繳價銀補收
花息及量予轉則仍將控案逐一訖結所需文費均由
司庫於洲價本款動支不准稍有需索奉

旨戶部知道欽此即經轉行欽遵在案茲據蘇州藩司
各屬蘆洲田地除無坍漲之處按照上屆成案概免重
丈靖江一縣據報亦無續漲應免查辦惟有咸豐七年
同治七年兩屆次出埂划一萬三千餘畝尚未升科則
歷年課銀自應酌補但係闕入漕田應行另案辦理外
其餘江陰等處沙洲林立坍漲靡常漲則任意單估坍

則延宕不報加以咸豐七年同治七年承買之案冊結迄未咨部應升者仍未起額入徵應豁者每以空糧賄累沙棍從而把持書差因之婪索控案迭出百弊叢生小民受累無窮悉心推究蓋緣按戶分造圖冊事繁費重各該廳縣未免畏難且須層層結轉尾零稍有未符即干駁詰數數往回遂置高閣本屆查辦既分先後若待通案稟報更需時日是以議成辦定一縣先行造具簡明清冊咨部隨時升豁以期取信於民前江陰武進寶山丹陽四縣各冊詳咨奉部

奏明行查業經詳細咨覆又上海南匯二縣均有新漲
灘地向未查辦隱匿甚多亦經委員往勘飭令一併召
買繳價川沙廳橫沙地方孤懸海外前經議定該處爲
商船避風守潮之區亦爲師船燂洗放哨之地永遠不
准承買即由漁戶佃種此仍歸名佃以符原案惟令按
畝主繳佃價並按年完納草息俾免覬覦而絕爭端計
自光緒六年三月起督令印委各員先從江陰一縣辦
起武進丹陽寶山次之丹徒常熟上海南匯川沙五縣
廳又次之將新漲各處履畝勘丈催繳價銀並查明開

樂成田收有花息上內屆承買即未升科之地分別酌
量補課一體給單抗業遇有坍沒勘明印豁歷年控案
亦爲訛斷閱時而載有餘先後據報完竣細加查核統
共應方科離地三十五萬五千一百四十貳畝零特重
地七千貳百八十六畝零每年共應徵應增銀一萬七
百八十八兩零內先已啓徵銀三千六十七兩零坍沒
地二萬四千七百七十五畝零共應豁銀一千一百四
十八兩零又未定案未圍築地二萬五千八百九十四
畝零應請暫緩升科共收存司庫田價估價銀一十萬

二千八百十一兩零較之同治七年收數多至兩倍有
寄固由沙民踴躍輸將亦由各印委催迫得力前項銀
兩應行人揆造報至冊徒常熟上海南匯四縣簡明清
冊業經分案詳咨川沙廳保承佃之案毋庸查造應由
司飭取頃畝科則圖形冊結分別照例詳辦並將在事
出力各員詳請具

奏給獎等情前來臣等伏查清理沙洲本非易易今屆
自開辦以來該司員等督飭印委各員認真經理應升
者升不致墮地以逃課應齡者齡不致空糧以貽累勘

丈秉公則經界斯正積案了結則訟獄亦清並將應升課價及補課銀兩體察各處情形酌中議定分別等差嚴禁員董書差人等不許需索分文即咸豐七年同治七年未定之案亦已造冊詳辦各沙民仰沐

皇仁從此咸沾樂利所有在事各員不無微勞是錄擬照前屆成案除出力稍次者由臣等酌獎外謹將尤爲出力各員繕具清單敬呈

御覽合無仰懇

天恩俯准分別給獎以示鼓勵除咨明吏部查照並飭

催各屬將欠解銀兩趕緊解清仍令造具冊結圖形詳
咨外謹合詞恭摺具

奏伏乞

皇太后

皇上聖鑒訓示再江寧藩司所屬沙洲專歸江藩司辦
理合併陳明謹

奏

光緒八年十月十一日

軍機大臣奉

旨該部議奏單併發欽此

恪靖奏稿三編卷二目錄

銷假並出省閱視工程摺

奏已故督撫請 准合祠致祭摺

鄂湘另招新商發給引票緣由摺

運河糧米兌竣開行日期摺

出省勘收各水利情形摺

皖岸減引增費緣由片

新引請免其加價扣引片

銷假並出省閱視工程摺

奏爲微臣病勢稍減如期銷假並出省閱視工程日期恭摺仰祈

聖鑒事竊臣前因病勢增劇懇開缺回籍光緒八年十月十六日奉

上諭左宗棠着賞假三個月安心調理無庸開缺欽此當卽具摺叩謝

天恩聲明候假期屆滿再行據實自陳奉

旨知道了欽此欽遵各在案緣臣之舊病已積有歲時

三
本難望其痊愈上年閏伍回省因積受暑濕復增新疾
腰脚支離動履維艱深恐貽誤公務是以懇懇開缺調
理冀蒙

福庇幸稍獲痊仍當隨時自効蓋受

恩深重義無可辭託病圖安非其志也自家

聖慈寬予假期三月以來延醫調治頻進補劑適江西
撫臣潘蔚赴任路過金陵爲之診脈立方據稱加進復
元自可獲效入春以後病勢尚無增加脈息照常仰蒙
逾格矜恤暫免他虞謹卽如期銷假所有假期以內應

辦公事均已力疾部署幸無積壓以後照常辦理自可
按日程功按兩江要政以海防爲重而治水行鹽兩大
端又爲海防經費所自出近行票運已有成效可觀據
運司稟報湘鄂岸新商所領鹽票讓各舊商承領舊商
照章承認彼此無異詞已飭赴湖北督銷局銀票互交
別無轉轉向之龐雜議論盡化雲烟一俟該局咨稟前
來當准銷結容再另摺詳陳治吳諸策治水爲要轄江
以內水利工程經上年次第施治賴淮楚諸軍之力同
時合作一氣呵成計已成之工十得八九現仍駐工營

作晝夜靡間并丁齋心操作未肯告歲其仍需陸續補
綴者不能不候至秋末冬初也現據道府先後具報揚
屬堤工上年所辦之周家莊西堤六安關鉄牛灣崇家
灣八堡腰舖等處東堤又邵伯西岸至瓦窑舖緯道工
程均已完竣本年接辦馬朋沟西堤又擇修寶應汜水
高郵甘江等汎東堤赤山湖工東自之道士壩起歷蟹
子壩至西之麻埭橋已於十二月初四日挑挖完工現
接挑三汊秦淮兩河以殺下游之勢朱家山河工關係
滁州來安全椒江浦六合五屬水利得能一律疏濬農

商賈聞受其益而地段較長中復橫巨石畚從前所以
旋作旋輟者以此適臣酌帶糧軍及淮揚鎮總兵章合
才各營素諳工作淮軍各營相助而理尤異常勤奮踴
躍爭先故能收同役同心之效其省城內外河道開工
則藩司梁肇煌鹽巡道德壽會督省標及城守弁兵修
築亦可次第竣工臣擬於正月中旬先赴太湖朱家
山驗收工程開印後卽以次分赴下潯淮揚鎮一帶周
歷閱視與承辦各員面商機宜務使水利而長江砲臺
及江海防務案內續修工程並籌治江有應添立砲

臺者擬順便巡視詳爲部署期收未雨綢繆實效臣出
省後所有署中日行事件交藩司梁肇煌代折代行緊
要者仍包封由臣行次辦理除將回省日期及各工情
形再行分別具陳外所有微臣病勢漸減如期銷假並
出省閱視工程日期緣由理合恭摺陳明伏乞

皇太后

皇上聖鑒訓示謹

奏光緒九年正月十六日

軍機大臣奉

旨知道丁欽此

奏已故督撫請准合祠致祭摺

奏爲已故督撫遺澤在民籲懇

天恩俯准合祠致祭以彰蓋績而慰羣情恭摺仰祈

聖鑒事竊據江寧布政使梁肇煌詳據江寧府知府趙

佑宸詳據金陵紳士候選知縣舉人江士鐸等稟稱恭

閱邸抄光緒八年六月初三日奉

上諭卽夏家鎬等奏蓋臣遺愛在民援案請建專祠
一摺已故欽差大臣署廣西巡撫林則徐前在江寧布
政使任內時值該省水災試辦倡捐煮賑等事迫升任

江蘇巡撫推廣於蘇松各屬並以上元等處被禳尤深
請帑賑濟復選任賢員悉心拯救民困獲蘇其辦理文
開鹽陞釐剔弊端著爲成法平日緝拿匪徒摘發如神
洵屬惠政及民著准其於江寧地方建立專祠以彰
績該部知道欽此伏思林則徐由江寧布政使升任江
蘇巡撫時值陶澍總督兩江於一切

國計民生和衷共濟實有古大臣風而陶澍蒞任十年
之久勲業事績史策昭垂當日德教沛然感人甚深惠
政甚溥追懷遺澤民不能忘現在林則徐既經侍郎夏

家錫等奏奉

恩旨建立專祠所有陶澍與林則徐同時事功如一擬
請

奏明合祠致祭以彰崇報等情前來臣查陶澍之督兩
江也於地方應辦事宜如籌漕運整飭綱修水利立學
校諸大端皆次第施行當議改兩淮鹽法之時震撼危
疑議論蜂起卒能堅持定見救弊扶衰上荷

宣宗成皇帝鑒諒先行成效昭著尤爲時論所推重其
時林則徐任江蘇巡撫該前督與之籌創海運興修水

利弊飭鹽綱辦理荒政推求至當被此和衷共濟措置
施行論者謂其規模宏遠條理縝密志同道合有非尋
常所能窺測擬議者當時名業爛如至今談者猶深慨
慕臣忝司疆寄距二臣在位已五十餘年而流風善政
猶在輒不勝景行仰止之慕查陶澍曾奉

飭建專祠於淮北之板浦場江寧紳民祀之省城惜憐
書院並奉

旨於省城地方建立專祠兵燹祠燬克復後修建書院
奉主以祀茲據該紳士等追思陶澍林則徐遺愛維同

續請於省城新造東街建祠請並祀兩臣情詞懇切合
無仰懇

天恩俯准將陶澍與林則徐在於江寧省城合建專祠
春秋致祭以彰遺績而順輿情除將送到陶澍政績清
冊咨部查核外謹會同江蘇撫臣衛榮光恭摺具陳伏
乞

皇太后

皇上聖鑒訓示謹

奏光緒九年二月初一日

軍機大臣奉

旨着照所請該部知道欽此

鄂湘另招新商發給引票緣由捐

奏爲淮南鄂湘前加新票另招股商照繳票價給發循
環三萬引以符部議而順商情恭摺仰祈

聖鑒事竊淮南引鹽前准人奏加鄂湘新票十五萬引
原以稽諸舊額短缺前十數年來未經規復而新商踴
躍爭先捐輸巨款又於

國計不無裨益是以一面奏請加額一面咨商川楚兩
省將欠假未歸之引地一律歸還川楚督臣如果不分
畛域復淮引地助淮緝私前次准加之十五萬引暢銷

三才
於荆宜五府二州淮課由此充盈商灶由此繁富乾隆
嘉慶之盛規未始不可復觀於今日及四川督臣丁寶
楨僅九每月減課一二百引尚屬空言並非實事湖廣
督臣徐宗瀚一意袒護川鹽爭斷不致少之餉項忘必
不可廢之成規以致引地絲毫未復新鹽無路拓銷尚
情畏阻上煩

宸厯其咎固不在增引之驟而在復岸之難也明矣按
准部咨以引地未能全復遽加三百票恐不能按輒銷
竣不若由漸而來新商已繳銀六十萬兩應准加票六

奏運河糧米兌竣開行日期摺

奏爲江北漕糧仍辦河運謹將兌竣開行日期恭摺馳
陳仰祈

聖鑒事竊江淮揚徐通五府州屬光緒八年分冬漕逾
照部議仍行河運經委候補知縣汪鵬翥在高郵汜水
寶應三處設局提前趕辦業將籌議章程專案會摺馳
奏在案茲據江安糧道張當年詳稱本屆江北漕糧起
運正米及徐屬粟米改辦大米共一十萬八千四百七
十九石貳斗一升三合二勺備帶七升餘米七千五百

九十三石五斗四升四合九勺船戶四升食耗米四千
六百四十二石九斗一升三勺以上共米一十二萬七
百一十五石六斗六升八合四勺經分派委員雇齊船
隻分爲前後兩幫自上年十二月初三日開兌飭各委
員將米陸續運赴高郵汜水寶應水次隨驛隨收前幫
五起於本年二月十八日由水次開行後幫五起亦於
二十四日挨次開行一律跟辦北上詳請具

奏前來臣查上屆漕船回南雖早因運道艱阻渡黃入
衛毫無把握各船戶莫不視爲畏途本屆招雇非易迭

經部多方勸集優給雇值並添雇新船助運乃得次第開行辦理向爲安速此後過閘渡黃各事宜除飭該糧道按程前進相機趕辦毋任稍延外所有兌竣開行日期謹同漕運總督臣慶裕江蘇巡撫臣衛榮光恭摺由驛四百里馳陳伏乞

皇太后

皇上聖鑒謹

奏光緒九年三月初二日

軍機大臣奉

有知道了欽此

出省勘收各水利情形摺

奏爲出省勘收大江下游水利工程回省復勘朱家山赤山湖水利江南漕運商務農田均有成效可觀恭摺具陳仰祈

聖鑒事竊臣於光緒九年正月十六日恭摺銷假並擬中旬出省親赴各處驗收工程各緣由奏奉

諭旨知道了欽遵在案臣將署中日行事件飭交梁肇煌代折代行牌傳沿江各道府州縣及各防營各於轄境營汛守候隨同履勘以備諮考正月二十四日乘坐

祥雲輪船歷上元州徒州陽江陰靖江寶山海門儀徵
江都甘泉泰州如皋通州東臺鹽城高郵寶應各屬十
八日閱視朱家山工程回省料核署中積牘稍資休憩
二十七日復出省勘收赤山湖工程二十九日由三汊
河順流至通濟門回省竊惟江南要政以水利爲急前
明各臣有若夏原吉周忱海瑞我朝治吳有聲績者
推陳鵬年陶澍林則徐皆名顯當時功垂後世誠以民
爲邦本食爲民天水利興而後旱潦有備民得所養而
後禮義廉恥由此興尊親樂利之心由此篤民心定民

力紓官司有所恃以爲固臣自履任以來苦於經費無
措不得不于鹽務籌之惟課釐正項不敢擅請致煩周
折定擬票費按行定價隨時批發藩運兩司專款存儲
聽候指撥比積有鉅款始飭沿江各州縣所轄之水利
分別官修民修大舉興辦其屢遣兵樂民力實有不逮
者飭各統領營官代其工作或爲之倡導同時並舉時
越一載而後成效始有可觀怨謫不興而頌聲起矣臣
此次親臨勘驗沿江而下歷裏河下河以抵塘海各鹽
場復勘驗范堤馬棚灣車邏壩清水潭諸要工毗隨江

轉到處焚香別業老稚男婦跪伏兩岸人語喧雜皆令
樂歲之聲豆麥彌望青葱其預擬種稻者叱犢翻犁正
忙作新種桑秧榆樹歷落成行樹葉則舒青垂絲滿浪
春光俱漸作依依態矣舟行鏡裏對此每飯加餐心曠
神怡不復知子役之苦也統計各處工程均結實飽滿
較上年加高培厚宜洩有資惟朱家山河工關係滁州
來安全椒江浦六合各州縣農田水利石工土工既鉅
且要致力殊多掘淤泥八九丈露出一碑爲嘉慶七年
前江寧布政使康基田所立碧泉碑康後官河督亦著

聲績者也碑中所言治河要畧與今無異而碑沈水底已七十七年是此次之鑿險絕山不遺餘力亦慨可想碑下石骨瑩确勾連兩岸石質稍嫩酥者尚可用工鍾鑿堅者非火藥轟之不可適前福建布政使王德榜假歸道過金陵使邀其前往相度並令指麾舊部之現隸親軍者助力一任其難度幾成此一簣之功卽樹數千百年之績亦楚淮將士所樂聞者水利倖成則沿江下游一帶旱潦無虞歲獲常稔不但民食充裕且可汎舟出耀而民富兵強日臻其盛矣合併聲明所有治水工

程已有成效理合據實陳明伏乞

皇太后

皇上聖鑒訓示施行謹

奏光緒九年三月初三日

軍機大臣奉

旨知道了欽此

皖岸減引增費緣由片

再皖省引票先經臣

奏明增復四萬二千八百五十八引每引收票費銀十
六兩接准部咨如果加引不嫌過驟票價無慮偏枯自
可照議辦理旋又續准部咨議覆御史李映片奏令新
商伊厚望等援照四千兩定章補足票費各等因當經
分飭運司孫翼謀前署運司現署淮揚海道徐文達妥
議去後茲據該司道等會詳皖岸票價向係由商因時
值高下呈繳並無一定數目若令援照四千兩補足無

三
論新商力難承運卽舊商亦有本重利薄之嫌詳加體
察擬就已繳之三十五萬七千一百六十兩按數除零
給發一百四十八票准其循環轉運每引仿照鄂湘收
票費銀二十兩庶與部文繳足全費與楚岸一律方准
領運行銷等語昭合詳請覆

奏前來臣查增引一事本以察酌岸銷商情爲主前次
請復四萬二千餘引一因銷路尚屬暢旺一因新商聞
風踴躍是以將舊額全數歸復自去歲夏間皖省蛟水
爲災銷路較滯商情因之觀望與春間加引時情形不

同自應將所增引數量予酌減斯新引獲轉輸之益舊引無占碍之虞此次該運司等請給循環一百四十八票計祇給運一萬七千七百六十引照原奏不及一半之數而票費前定每引十六兩今仿照鄂湘收繳每引計增四兩核與部議尚屬相符質諸衆商均無異說除批令挨次起運外所有皖岸減引增費緣由附片具陳
伏乞

聖鑒飭部查核謹

奏光緒九年三月十二日

軍機大臣奉

旨戶部知道欽此

新引請免其加價扣引片

再臣准部咨議覆御史李暎奏淮北增引宜加詳審議
令新商原德昌等援照淮南定章每票補足銀二百兩
方可加十六萬引之數如該商等無力猝籌補足應即
劃除引數暫勿增給等因伏查淮北票鹽原額四十六
萬引兵燹以後僅辦二十九萬餘引迭經戶部咨催復
額上年春間據原德昌等三十二商稟請認復十六萬
引每引繳銀二兩此據繳銀三十二萬兩附片
奏明旋准部議核准上年業已辦運一綱續准部議令

該商照淮南定章每票補足銀二百兩復經札行會議
茲據兩淮鹽運使孫翼課前署運司現署淮揚海道徐
文達詳稱淮北票價本無一定之章票價之長落胥視
商利之厚薄淮北淮南鹽價既相懸遠而淮北先課後
鹽尤與淮南章程迥異票價每引二兩已較舊商捐數
倍增若再令補繳票費商力實有未逮而劃除引數未
免成本暗增仍請照前次部議核准之案免其加價扣
引等情詳請具

奏前來查該司等所詳均係實在情形且久經核准辦

運未便勒令夕更除批飭該司等速飭新舊各商趕緊
納課辦運外所有淮北新引仍請查照原案免其加價
扣引緣由理合附片陳

奏伏乞

聖鑒勅部查照謹

奏

光緒九年三月十五日

軍機大臣奉

旨知道了欽此